

Powšitkowne WOZJEWJENJA

njedźelu, 15. januara 2012

Prěni wopomnjenski dzeń zbóžneho kapłana Alojsa

Po lońšim zbóžnoprajenju kapłana Alojsa Andrickeho smě so pjatk, 3. februara, přěni raz wopomnjenski swjedžen zbóžneho martrarja zjawnje woswjeć. Zhromadna swjatočna Boža mša serbskich wosadow budže w 19 hodž. w Róžeńće. Předowanje změje pater Martin Wolf z rjadu oblatow. Wšitcy wěriwi ze serbskich wosadow su wutrobnje do putniskeje swjatnicy přeprošeni.

Hłowna zhromadźizna TCM a patronatne kemše

Lětuša hłowna zhromadźizna Towarstwa Cyrila a Metoda z.t. (TCM) budže pjatk, 27. apryla, wječor w Chróśćicach. Na swjedženju swjateju Cyrila a Metoda wutoru, 14. februara, w 19 hodž. budže w Baćonju patronatna Boža mša.

Přebywanje w starowni – štó ma što płaćić?

Nahła chorosc abo trěbne městno w starowni – štó to zapłaći? Što potom, hdyž je renta niska a městno w starowni drohe? Štó je winowaty kóšty sobu njesć a štó nic? Za koho ma něchtó zastaransku winowatosć? Hdy a što płaći socialny zarjad? Wo tutych a dalšich prašenjach porěči pón-
dźelu, 16. januara, we 18 hodž, jurist Bernd Christ, kotryž džěla pola Carity w Drježdžanach, w Domje swjateho Jurja w Kamjencu, Bernhardowy puć 2. Wutrobnje wšitkich zajimcow přeprošamy. *W. Brězan*

Swjedžen swjateho Bosćana w Chróśćicach

Předsydstwo bratstwa swjateho Bosćana přeprošuje wšitkich na swjedžen swjateho Bosćana pjatk, 20. januara, do Chróśćic. Bože mšě su w 6.45 hodž., 9.00 hodž. a 19.00 hodž. Swjedženski nyšpor z procesionom po wsy je w 14.00 hodž. Na nim poswjeći so nowa chorhoj bratstwa. Po nyšporje maja čłonojo bratstwa na farje swoju hłownu zhromadźiznu, na kotrejž přednošuje Hana Mejnc wo svojim džěle w Argentinskej. Wěriwi ze wšitkich serbskich wosadow su přeprošeni, do bratstwa swjateho Bosćana zastupić. Štóž chce z čłonom bratstwa być, njech so hač do srjedy, 18. januara, na Chróšćanskej farje přizjewi, telefonowe čisło (03 57 96) 8 04 00.

Kubłanskej dnjej

Pod hesłom „Žiwjenje je krasne – wo lubosci a druhich wěcach“ přeprošuje dekanatne dušepastyrstwo šulerki a šulerjow 7. a 8. lětnika wot pjatka, 27. januara, we 18 hodž. do soboty, 28. januara, w 16 hodž. do Don Boskoweho domu we Worklecach. Zajimcy njech so prošu hač do pjatka, 20. januara, pod telefonowym čisłom (03 57 96) 8 87 07 we Worklecach přizjewja.

Nowa wjeselohra „Naša ćeta Mija“

Dźiwadłowa skupina Kulowskeho Bratrowstwa přeprošuje wšitkich na wjeselohru „Naša ćeta Mija“. Přichodne předstajenja budžeja pjatk, 20. januara, w 19 hodž. w Njebjelčicach; sobotu, 21. januara, w 19.30 hodž. w Chróšćanskim Hórnikowym domje; njedźelu, 22. januara, w 16.30 hodž. w Radworskej „Meji“, njedźelu, 29. januara, w 16 hodž. w Haslowje., njedźelu, 26. februara, we 18.30 hodž. w Šunowje a njedźelu, 11. měrca, w 17 hodž. w Kulowje.